

Lelaki mengaku tidak bersalah miliki dadah

MIRI: Seorang lelaki mengaku tidak bersalah di Mahkamah Majistret semalam atas dua tuduhan memiliki dadah berbahaya masing-masing jenis Ketamine dan Methamphetamine.

Chung Yiun Yii, 31, dari Desa Senadin Fasa 7 di sini telah didakwa atas dua tuduhan mengikut Seksyen 12 (2) Akta Dadah Berbahaya (ADB) 1952 (Akta 234) dan dihukum di bawah Seksyen 12 (3) akta yang sama.

Mengikut kesalahan ini, tertuduh boleh didenda sehingga RM100,000 atau penjara sehingga lima tahun atau kedua-duanya sekali, jika sabit kesalahan bagi setiap tuduhan dihadapi.

Berdasarkan pertuduhan kes, tertuduh bukan sebagai seorang yang diberi kuasa di bawah ADB 1952, telah didakwa memiliki dadah berbahaya jenis Ketamine masing-masing seberat seberat 47.49 gram dan 8.81 gram.

Kedua-dua kesalahan itu didakwa dilakukan tertuduh pada jam 12 tengah hari, 21 April 2017 di sebuah premis pencetakan karya seni hidrografi air di Permy Technology Park, Jalan Dato Permaisuri 1C, Bandar Baru Permyjaya di sini.

Setelah mendengar pengakuan tidak bersalah tertuduh, mahkamah kemudian menetapkan 16 Mei depan untuk pengurusan kes.

Sementara itu, tertuduh diperintahkan dibebaskan dengan jaminan RM5,500 berserta dua penjamin tempatan sementara menunggu tarikh tersebut.

Dalam padaitu, mahkamah turut menetapkan tarikh sama untuk sebutan lanjut bagi satu lagi kes yang dihadapi Chung atas tuduhan memiliki dadah jenis Methamphetamine.

Mahkamah kemudian membenarkannya dibebaskan dengan jaminan RM3,000 berserta dua penjamin se-

mentara menunggu tarikh tersebut.

Berdasarkan pertuduhan kes, tertuduh telah didakwa memiliki dadah berbahaya jenis Methamphetamine seberat 5.9 gram (berat kasar).

Methamphetamine merupakan satu item yang terkandung di dalam Bahagian III Jadual Pertama ADB 1952.

Dia didakwa melakukan kesalahan itu pada jam 3.30 petang, 4 April lalu di rumahnya di Lorong Tasik 4A4/E, Desa Senadin Fasa 7 di sini.

Tiada pengakuan salah tertuduh direkodkan.

Terdahulu, pegawai pendakwa memohon ditetapkan satu tarikh baharu untuk sebutan lanjut sementara menunggu laporan kimia berhubung barang kes.

Pendakwaan dilakukan Inspektor Mudzilawati Abdul Rahman di hadapan Majistret Nazira Adlin Ahmad Khairul Razi.